

PROPISI VEZANI ZA OBILAZAK BOLESNIKA

أدب عيادة المريض

Kako ću postupiti kad saznam da se neki od mojih drugova ili rođaka razbolio i da leži u postelji?

- Ja ću ga posjetiti (u kući ili bolnici) i hrabriti ga.

Koje su vrijednosti posjete bolesniku?

1. Posjeta bolesniku je odazivanje naredbi Allahovog, dž.š., Poslanika da se posjećuju bolesnici, a onaj ko posjeti bolesnika, Allah, dž.š., će mu za svaki korak upisati dobro djelo.
2. Posjeta bolesniku izraz je ljubavi, iskrenog prijateljstva, jer bolesnik osjeća da mu ljudi poklanjaju pažnju.
3. Posjeta bolesniku olakšava bolesnikove patnje, a upućivanje dove Allahu, dž.š., za njegovo ozdravljenje pomaže mu u tome, s Allahovom pomoći.

Kako ću postupiti prilikom posjete bolesniku?

Kad htjednem posjetiti bolesnika, uradit ću sljedeće:

1. Obući ću čistu odjeću i, po mogućnost, ponijet ću prigodnu hediju.
2. Kad uđem kod njega, posejamat ću ga, molit ću Allaha, dž.š. da ga ozdravi i reći ću: "LA BE'SE. TAHURUN IN ŠAALLAH." (Nema štete. Čist (od grijeha), ako Bog da!)
3. Zatim ću moliti Allaha, dž.š., da mu da zdravlje, riječima: "ALLAHUMME, RABBINNASI! EZHIBIL BE'SE. IŠFI ENTE-ŠŠAFI!" (Allahu, Gospodaru ljudi! Otkloni nevolju i i zliječi! Ti si onaj koji liječi!)
4. Nastojat ću bolesnika razveseliti time što ću mu pokloniti hediju, ili mu govoriti ono što će ga razveseliti.
5. Neću se dugo zadržati kod bolesnika, jer je potrebno da se odmara.
6. Ponudit ću se da mu donesem (kupim) nešto što posebno želi, ili da mu pomognem u nekom poslu, kao na primjer u pisanju domaće zadaće, i slično.